

CII.

Le Prince d'Orange à Wesenbeke. Il le remercie de son dévouement et demande une spécification des blancs-seings.

Bodloian libr. Ms. St. Amand. 4 fol. 21.

1571, le 20^e Avril.

Wesenbeke, Depuis mes dernières du XV^{je} de ce mois, j'ay receu trois lettres vostres, escriptes successivement les Vii^{je}, X^e et Xii^{je} de ce mesme mois, et bien entendu les nouvelles et particularitez portées tant par icelles que par les billetz y jointtz. Dont je vous remerchie de vostre bonne diligence, et seray bien aise que par opportunité vous continuez par la mesme voye, par laquelle voz lettres me seront tousjours adressées bien seurement. Je désire de mesme que par le premier vous m'envoyez une spécification de l'employ que vous avez fait des blancz signetz que je vous ay par diverses fois envoyé, et si vous en tenez encoires quelques ungs soubz vous et combien. Surquoy je feray fin à ceste.

¹ Notice de Wesenbeke.

Priant Dieu vous avoir en sa sainte garde. De Dillenberch
ce XX^e jour d'Aprvil 1571.

Vostre bon amy
GUILLAUME DE NASSAU.

*A Mre Jacques de Wesenbeke
Docteur en droict.*

R. j Maij Burick. respondi 2¹.

